

# Consillu Armânjloru

(Consillu Makedonarmânjloru)

Head Office: *Moscopoli / Voskopoje – Curceaua / Korce* – Po. Box 54, Korce, Albania  
[www.makedonarman-council.org](http://www.makedonarman-council.org) e-mail : [info@makedonarman-council.org](mailto:info@makedonarman-council.org)

23-li di Maiu

## *Dzuua Natsiunalâ a Armânjloru*

Armânamea yiurtiseashti adzâ pricânushtearea di populu ahoryea, amintatâ aoa sh-107 anji pritu Iradelu di la 1905, tu kirolu ali Amirâriljei Otomanâ.

Yiurtisearea alishte di dzuuâ di simasii tu isturia Armânjloru agiumsî unu lucru di-aradhâ tu anjlji ditu soni tu craturli ditu Balcanu iu bâneadzâ Armânjilji, aesta va s-dzâcâ câ Armânjilji s-luyursescu unu populu ahoryea cu identitatea a lui ahoryea.

Yiurtisearea di adzâ a Dzuuâljei Natsiunalâ easti unâ furnjii ca Armânjilji sâ spunâ a lumiljei câ nu kirurâ sh-câ nu voru ta s-kearâ shi sâ-sh spunâ identitatea a loru ahoryea tu cathi cratu iu bâneadzâ cata cumu sh-isturia a loru di ma ninti sh-di adzâ.

Minarea di ridishtiptari a Armânamiljei ankisitâ aua sh-cama di treidzâts di anji, dishcljisi unâ cali tinjisitâ trâ câftarea a ndrepturiloru tsi lâ si cadu Armânjloru, sh-ma multu adzâ tu unu kiro cându tsiva nu mata poati s-lj-asparâ icâ sâ-lj toarnâ ditu aestâ cali ankisitâ – a s-hibâ câ ea easti greuâ sh-lungâ, trâ itia câ tuti aesti câftâri a loru suntu andrupâti mashi di nomuri evropeani sh-internatsiunali.

Biroulu di Cumândâseari a Consillui a MakedonArmânjloru, uarâ Armânjloru di iutsido, “Trâ Multsâlji Anji”, cu harauâ, ghineatsâ sh-vreari sh-cu cama multu amintaticu tu yinitoru trâ Armânamî.

Yiani Mantsu  
Prezidentu Consillu a MakedonArmânjloru

23-li di Maiu 2012

(Bulitinu Infurmativu Nr. 35)